

Na osnovu člana 2.12. Izbornog zakona BiH ("Službeni glasnik BiH", broj 23/01, 7/02, 9702, 20/02, 25/02, 4/04, 20/04, 25/05, 52/05, 77/05, 11/06, 24/06, 32/07, 33/08, 32/10, 18/13, 7/14, 31/16 i 41/20), člana 7. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovine ("Službeni glasnik BiH", broj: 67/21 i 73/21) i člana 1. Odluke o objavljivanju javnog oglasa za imenovanje jednog člana Općinske izborne komisije Sapna („Službeni glasnik općine Sapna“, broj 11/21), Općinsko vijeća Sapna, raspisuje

JAVNI OGLAS **za imenovanje člana Općinske izborne komisije Sapna**

I Objavljuje se Javni oglas za imenovanje jednog člana Općinske izborne komisije Sapna.

II Uslove koje kandidati moraju ispunjavati:

Opći uslovi:

- Prijavljeni kandidat mora biti lice sa pravom glasa.
 - Za člana izborne komisije ne može biti imenovano lice (član 2.3.IZ BiH) :
 - koje se ne može kandidirati u smislu odredbi članova 1.6, 1.7 i 1.7a Izbornog zakona BiH;
 - koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
 - koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH;
 - koje je kandidat za izbore za bilo koji nivo vlasti; i
 - kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.
-
- **Posebni uslovi:**
 1. da ima prebivalište u općini Sapna,
 2. da ima završen fakultet, odnosno VII/1 stepen stručne spreme ili završen fakultet Bolonjskog sistema studiranja s najmanje 180 ECTS .
 3. da posjeduje iskustvo u provedbi izbora (članstvo u izbornoj komisiji, članstvo u biračkom odboru, rad u stručnim organima koji su pružali pomoći u provedbi izbora).

Izuzetno od odredbe iz tačka 1 ovog oglasa, član izborne komisije može biti lice sa prebivalištem iz druge općine, ukoliko nema kandidata, sa prebivalištem u općini za koju se imenuje izborna komisija, koji ispunjava uslove tražene javnim oglasom, a radi primjene člana 2.14.stav (1) Izbornog zakona BiH, vodeći računa o posljednjem popisu stanovništva.

Izuzetno od odredbe iz tačka 2 ovog oglasa, član izborne komisije može biti lice koja ima VI stepen stručne spreme, ukoliko se radi o općini koja ima manje od 2.000 birača upisanih u Centralni birački spisak ili se radi o ponovnom izboru (reimenovanju) člana izborne komisije odnosno ako je potrebno ispoštovati odredbe člana 2.14.stav (1) Izbornog zakona BiH.

Za člana izborne komisije ne može biti imenovano lice obuhvaćeno članom 2.3. Izbornog zakona BiH, kao ni lice koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, niti lice koje aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

III Potrebna dokumentacija:

1. prijava na javni oglas sa kraćom biografijom sa ličnim podacima (ime, prezime, ime oca, adresa, broj telefona za kontakt)
2. ovjerena kopiju diplome o stečenoj stručnoj spremi.
3. originalni dokazi o potrebnom iskustvu u provođenju izbora (fotokopija rješenja o članstvu u izbornoj komisiji ili članstvu u biračkom odboru, Uvjerenje od OIK-e da je kandidat pružao pomoć u provedbi izbora).

4. ovjerenu fotokopiju lične karte.
5. obrazac PBA-3 o prebivalištu izdato od nadležnog organa, ne starije od tri mjeseca
6. izjava o nacionalnoj pripadnosti kandidata svojeručna potpisana i ovjerena od nadležnog organa o nacionalnoj pripadnosti kandidata.
7. izjava kandidata ovjerena kod nadležnog organa da se na njega ne odnose odredbe člana 2.3. Izbornog zakona BiH.
8. Ukoliko su kandidati pravni stručnjaci sa iskustvom u provedbi izbora i/ili izborni stručnjaci, dodatno se boduju (na naučno zvanje (mr/dr), iz oblasti prava ili izbora , nosioci pravosudni funkcija, imaju položen pravosudni ispit i prisustvovali su obukama u organizaciji CIK BiH, potrebno je da dostave dokumenta kojima dokazuju navedeno da bi se isti dodatno bodovali.

IV Rok za podnošenje prijava

Rok za podnošenje prijava je 8 (osam) dana od dana objavljivanja javnog oglasa u dnevnom listu "Oslobođenje".

V Trajanje mandata

Mandat člana općinske izborne komisije traje 7 (sedam) godina od dana davanja saglasnosti od CIK-a BiH na Rješenje Općinskog vijeća o imenovanju člana Općinske izborne komisije.

VI Potrebna nacionalna i spolna zastupljenost

Sastav općinske izborne komisije treba biti multietničan, tako da odražava zastupljenost konstitutivnih naroda, uključujući i ostale, u Općini, vodeći računa o posljednjem popisu stanovništva provedenom na državnom nivou.

U sastavu općinske izborne komisije nastojat će se osigurati zastupljenost spolova u skladu sa Zakonom o ravnopravnosti spolova u BiH, osim ako se izborna komisija sastoji od tri člana, kada ravnopravna zastupljenost postoji u slučaju kada je jedan od spolova zastupljen s 1/3 od ukupnog broja članova.

VII Organ za provođenje postupka

Postupak provođenja procedure po javnom oglasu, u skladu sa Zakonom i podzakonskim aktima CIK-a, provest će Komisija za provođenje postupka po javnom oglasu Općinskog vijeća Sapna.

IX Ostale informacije

Obrazac prijave kandidati mogu podići u zgradi Općine Sapna, 206.Viteške brigade b.b. na info pultu šalter sale.

Prijave na javni oglas sa potrebnim dokazima o ispunjavanju navedenih uslova, kandidati će dostaviti, neposredno putem Centra za pružanje usluga građanima Općine Sapna (šalter sale) ili poštom na adresu: Općina Sapna- Općinsko vijeće-Komisiji za provođenje javnog oglasa, ulica 206.Viteške brigade b.b.75411 Sapna, sa naznakom « Prijava na javni oglas za izbor člana Općinske izborne komisije- ne otvarati».

Nepotpune i neblagovremene prijave se neće uzeti u razmatranje.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj: 02-02-1541-6/21
Sapna, 27.12.2021.godine

Predsjedavajući Općinskog vijeća

Sabit Brđak